

VENDIM
Nr.551, datë 1.5.2008

PËR LEJIMIN E KALIMIT TRANSIT TË AUTOMJETEVE DHE TË TRUPAVE TË KONTINGJENTIT USHTARAK ITALIAN, PËRMES TERRITORIT TË REPUBLIKËS SË SHQIPËRISË

Në mbështetje të nenit 100 të Kushtetutës dhe të neneve 16, pika 2, 17, 18 e 19 të ligjit nr.9363, datë 24.3.2005 “Për mënyrën dhe procedurat e vendosjes dhe kalimit të forcave ushtarake të huaja në territorin e Republikës së Shqipërisë, si dhe për dërgimin e forcave ushtarake shqiptare jashtë vendit”, me propozimin e Ministrit të Mbrojtjes, Këshilli i Ministrave

VENDOSI:

1. Lejimin e kalimit transit, përmes territorit të Republikës së Shqipërisë, të 6 (gjashtë) autokolonave ushtarake italiane, në itinerarin Qafë-Thanë-Porti i Durrësit, në datën 8 maj 2008, si më poshtë vijon:

- Autokolona e parë përbëhet nga 25 (njëzet e pesë) automjete civile, 26 (njëzet e gjashtë) shoferë civilë, 2 (dy) automjete ushtarake dhe 4 (katër) ushtarakë.

- Autokolona e dytë përbëhet nga 12 (dymbëdhjetë) automjete dhe 26 (njëzet e gjashtë) ushtarakë.

- Autokolona e tretë përbëhet nga 16 (gjashtëmbëdhjetë) automjete dhe 32 (tridhjetë e dy) ushtarakë.

- Autokolona e katërt përbëhet nga 16 (gjashtëmbëdhjetë) automjete dhe 36 (tridhjetë e gjashtë) ushtarakë.

- Autokolona e pestë përbëhet nga 16 (gjashtëmbëdhjetë) automjete dhe 37 (tridhjetë e shtatë) ushtarakë.

- Autokolona e gjashtë përbëhet nga 11 (njëmbëdhjetë) automjete dhe 25 (njëzet e pesë) ushtarakë.

Pika e hyrjes në territorin e Republikës së Shqipërisë është pika e kalimit të kufirit Qafë-Thanë dhe pika e daljes është pika e kalimit të kufirit Porti i Durrësit.

2. Lejimin e kalimit transit, përmes territorit të Republikës së Shqipërisë, të 5 (pesë) autokolonave ushtarake italiane, në itinerarin Porti i Durrësit-Qafë-Thanë, në datat 10-11 maj 2008, si më poshtë vijon:

- Autokolona e parë përbëhet nga 20 (njëzet) automjete civile, 21 (njëzet e një) shoferë civilë, 2 (dy) mjete ushtarake dhe 4 (katër) ushtarakë.

- Autokolona e dytë përbëhet nga 16 (gjashtëmbëdhjetë) automjete dhe 32 (tridhjetë e dy) ushtarakë.

- Autokolona e tretë përbëhet nga 15 (pesëmbëdhjetë) automjete dhe 32 (tridhjetë e dy) ushtarakë.

- Autokolona e katërt përbëhet nga 12 (dymbëdhjetë) automjete dhe 39 (tridhjetë e nëntë) ushtarakë.

- Autokolona e pestë përbëhet nga 7 (shtatë) automjete dhe 17 (shtatëmbëdhjetë) ushtarakë.

Pika e hyrjes në territorin e Republikës së Shqipërisë është Porti i Durrësit dhe pika e daljes është pika e kalimit të kufirit Qafë-Thanë.

3. Procedurat për hyrjen, qëndrimin dhe daljen e këtyre trupave në/nga Republika e Shqipërisë janë parashikuar në “Marrëveshjen, ndërmjet palëve të Traktatit të Atlantikut të Veriut, për statusin e forcave”, nënshkruar në Londër, më 19 qershor 1951, dhe në “Marrëveshjen, ndërmjet shteteve palë në Traktatin e Atlantikut të Veriut dhe shteteve të tjera, që marrin pjesë në Partneritetin për Paqe, përsa i përket statusit të forcave të tyre”, nënshkruar në Bruksel, më 10 janar 1994, si dhe në protokollin shtesë të “Marrëveshjes, ndërmjet shteteve palë

në Traktatin e Atlantikut të Veriut dhe të shteteve të tjera, pjesëmarrëse në Partneritetin për Paqe, përsa i përket statusit të forcave të tyre”, ratifikuar nga Kuvendi i Republikës së Shqipërisë, me ligjin nr.8034, datë 22.11.1995.

4. Automjetet dhe trupat e kontingjentit ushtarak italian, gjatë itinerarit të lëvizjes nëpër territorin e Republikës së Shqipërisë, të shoqërohen nga njësi të armatosura të Forcave të Armatosura të Republikës së Shqipërisë.

5. Ngarkohet Ministria e Mbrojtjes për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha